



ЧАННАЦУЖУ

«ЗВЕЗДА»

19 август 2016 ш

ножмар

№ 33 (6514)

Багъа 2 къруш

Газета буклаккисар
1951-ку шинал
ноябрьдания шинмай

Учредитель: Ккулал районналул администрация
Кулинская районная администрация

Ххуллурдайх заназавриву мюхчаншиву дуллан



ХІакъинусса къини жула республикалул районнал ххуллурдай хъанайна бур апатІру чІявусса инсантал оърмулцІа хъун буллалисса. АпатІру хъанахъаврил сававрду хъанай дур ччарча ххуллурду ххуйсса бакъашиврийну, ччарча сагъ дакъасса транспорт ишла дуллалаврийну, ччарчагу транспорт щурущи дуллалисса водителтурал баччи бакъулшиврийну

Жула республикалул зунттал районнал округалийгу чансса хъанай бакъар апатІру ххуллурдайх заназавриву мюхчаншиву, личІрулшиву къяду руччаврийну хъанахъисса.

Ххуллурдайх транспорт рай личІрулну, мюхтажшиву дурурччуну заназаврил ялвусса совещание хъунни 2016- ку шинал августрал 16-нний Вагъав. Совещаниялий гуртту хъун бувкІуну бия зунттал районнал округавусса районнал бакІчитурал заместительтал, муниципальный районнал ГИБДД-лул зузалт. Совещание най дия зунттал районнал округайсса РД-лул БакІчинал биялалулусса вакилнал заместитель Аздар СалихІовлул председательшиву дулла.

Совещаниялийн бавтІуми барча буллалисса хъхъичІ мукъуву муниципальный районналул бакІчи С.ХІ. Сулаймановлул кІицІ лавгуна, хІисав дурсса чІумал ххуллурдайх заназавриву мюхчаншиву, личІрулшиву дурурччавриву уттигу чІярусса диялдакъашивуртту хъуна

дакълай душиву, му масъала билаятрал хъхъичІ бавцІусса ца агъамсса масъала бушиву. Цанчирча гъарца шинал ххуллурдай хъанахъисса апатІирттайну оърмулцІа хъанай бур чІявусса инсантал.

АцІния макъра шинал лажиннарай Августаннай нанисса дяввилулу ливтІусса хъуна 14 азара инсант-увкуна С.ХІ. Сулаймановлул, - ххуллурдай хъана хъисса апатІирттаву тІурча гъарца шинал литІлай бур кІилий гъарзасса инсантал. Минनावух оърмулцІа хъусса хъанай бур мюрщи сса оърчІругу. Укун бикІан къаабркинссар. АпатІру къахъананшиврул, цалчин ххуллурду низамрайн буцин аьркинни, кІилчингу транспортрал заллухърунал дянив бувчІин баврил даауртту дачин дуллан аьркинни. Гъарца водителнан кІулу бикІан аьркинни автомобиль му инсантал ххилансса душиву, му инсантал оърмулцІа

буллансса дакъашиву.

Зунттал районнал округрал хъунаманал заместитель А.СалихІовлул информация бувна зунттал

ва апатІру чан хъун баврил ялв дуллалисса давурттая.

«Дагавтодорданул» ххуллал Агентствалул

ГИБДД-лул зузалтралгу цала ихтилатраву бувсунни ххуллурдай апатІру хъун къабитаврил ялв цацІа-цацІара дуллалисса давур



районнал округайсса ххуллурдал ва микку мюхчаншиву дурурччаврил тагъардануя.

РД-лул МВД-лул УГИБДД-лул отделланул ххуллал инспекциялул на чальник Жабраил Саэдовлул бувсуна зунттал районнал округай ххуллурдай мюхчаншиву дурурччаврия

отделланул начальник Замир Умаханов цала докладраву авцІуна округайсса ххуллурдай личІрулшиву дурурччаврил ялв, ххуллурдай апатІшаву чан шаву мурадрай, ххуллурду бакъин бавриву дуллалисса давурттай

Районнал бакІчитурал заместительтурал ва

ттая. Совещаниялий хъунни цала даврийсса хъхъичІунмупнищал, къулаймунищал махъмийгу кІул буваву.

Шикку бувсса ихтила тирттая, гъаз бувсса масъалар ттая совещаниялийн бавтІумий рязийну ливчІунни.

Жула ниттихъул


ЗахІматнугу чумартну бувтсса оърму

Нину. Ва мукъул мяна лул аваданшиву, хъуннашиву, гъелишиву, кІукІлушиву, иминшиву, хъиншиву. Вай утти на кІицІ бувмий махъру бакъа цимигу вайннуяр ххишалассагу сияхІ ххуй-ххуйсса мукъурттил чичин хъунессия жула зунттаву оърму бутлатисса тІабиаьт рал чулуха къянкъа-къурчІи шиву духІан багълагисса жула ниттихъа. Ккавкнан бакъа улу ттун чичлачима нангума къакулссар жула ниттихъал бивхъусса захІ мат, багъа бишун къашайсса гу, цинцилттай буцин къашай ссагу бушиву.

Ккуллал шярвалу. Ва лаккуйсса циняв шярвалла ву яла хъуннамур шярвалу диркІссар танийра ва уттигу хъанай дур. Ккуллал шярвун бухлахисса ххуллул чІарав сса кІилчинмур зийлучІату (къулла тІисса махъ ттун кунцІуллуха лашІан бикІай, мунияту ва махъ на хІарачат буvara щин ласаймур шарашайн къаучин) цахъис ларайну дирхъусса лав ларкъусса, хІалурду хІасул дурсса къатраву яхъанай бия Буржунова Аьйша ХІажинал душ. Аьйшал къатрал хъхъичІсса ахъуву къюнукъи гума бия тІутІайх бивчуну. Амма жунма кІулліха я къюнукъилуа я мамарттуха лавхъхъусса бакъашиву жу ла ниттихъал оърму. Аьй шах буруглай ваничІа бия на вайнначІан увкІсса чІумал ванил душ Бича. Аьйша дяъвилул ятин бур. Ва кунмасса хъамитайпартту жула зунттаву цикссагу буссар. Вайннал оърмурдал шиннал чІапшиву зана дитлатисса чІумал буніялагу дакІнин, бакІран хъуннав хІисав хъанан би кІай щаллусса миллатрал инсантуран ккаклай бивкІ мур бусласисса тарихрал луттирду ккалаккинний кун ма. На Аьйшах вичІи дирхъусса чІумул мутталійгу ттул яруннил хъхъичІух лавгуна липІ-липІ тІий вай жула ниттихъал, ссурваврал хъун бавахъал бувтсса захІмат сса оърмурдал шинну. На буслайнияр цихва Аьйшах вичІи дишинну.

- На бувссара Ккуллал шяраву 1936-ку шинал. Ттул буттайн ХІажи, ниттийн ПатІмат учайссия. Нину Ушанхъул тІисса тухумирая сса дия. Ттул бутта ХІажи 1906-ку шинал увсса ия. Нину дия 1916-ку шинал дурсса. Дахъа увсса Къурбан тІисса усугу къаивтун ттул бутта 1941-ку шинал

аьрайн лавгссар. Га чІумал ванал аьрая чагъаргу бивкІун бакъар. Дур дуркІун Ккуллул «Безвести пропал», - тІисса извещения. Ттул бутта уссал усттар ивкІун ур. Амма ттун



ганал симан дакІний къалирчІунни. Дяъвилийн лавгссар тІий акъа къакуллі цувагу. Бакуйн, Таканавун лагайсса ивкІун ур усру дуллан. Яла тиха посилкар тту буттачІату дуркІссар тІий дакІнийри гивусса



виргъан ппив дуллалисса чІумал гива киш-миш тІутІи ппив хъуну нанисса ца лахІза. Ттул бутта акъагу ванал ялагу 4 уссу ивкІун ур. Вай Бакуй, Бухарнаву артеллай зузисса савдажартал бивкІун бур. Вай Лувмур Новго родрай ярмаркарттай гьуртту шайсса бивкІун бур. Ласайсса диркІун дур грамо тартту, дипломру. Пагъму бусса уссурвал бивкІун бур. Ялагу ттун дяъвилул шинну дакІний лирчІунни самолет ру лехлай жулла шярвун бомбарду бичайссарча, чирахъру, цу лещан дуvara тІисса чІунну. Ттул нину ПатІмат дикІайва чалагъай ядуллай цила лас, ттул бутта ХІажи дяъвилия нанисса бувсманан ххаришиврун дулун. Чалагъайгу буттукъ равура лирчІуна, буттагу зана къавхъуна. Гъакссагу оькъи ни дикІайва ниттихъай.

Цулунгу, гъайтІунгу, аьравал ттай ххулу ххилангу, мукъав зунттавату ххулуврал къар ду лахъавугу, ччарду давугу, хІасил циняв колхозрал давурттив ниттихъал дувай сса. Ца чІумал дакІнийри неххал ялтту бивхъусса ламуйх аьравалттицІун бавхІусса ниц нигъа буслай махъунмай най ламуйх багъавай ливчІсса чІун. Ниттил: «Ва неххайн багъар ча на цукун лахъаву дави ванил?», - тІий къиялий ганил бакІрайн калши дуртун ламуйх лахъан бувна.

На дарсирайн 1-мур классравун лавгсса чІумал дакІнийри чичинсса тетрадь бакъа Аскандаров Рамазан тІисса учительнал, полярдай чича тІий тетрадру буллусса чІун. Буттахъул дяъвилия зана къавхъусса ятинтуран дулайва школалия лаххиягу гуманитар кумагри тІий. Уссу Къурбан 5 класс къуртал бувайхту кулпат ябуван

«Акъассар зул Аьду», - куну бувсун бивкІун бур. Жул дянив хъуна ряхва оьрчІ. Мукун бухъурчагу на заочнайну ккалай Дагъусттаннал пединсти тут къуртал бувссия ва зий бикІайссияв Ккуллал оьрчІал багъраву тарбия чину.

Буніяла Аьду дуні яллия лавгун махъгу шашарну ливчІсса Аьйшал циняв оьчІ-душаран лахъсса кІулшиву дуллуно дур. Мунияту бухъунссар

ва ахир-зума дакъа цила оьрчІан бакъагу ванил тарбия буллай бивкІсса утти цивппа ниттихъул, буттахъул хъусса Ккуллал инсантуран Аьйша бавай тІий ххирасса. Жувагу Аьйша барча буванну гъашину барт лаглагисса 80 шин шаврил лахъазанналушал. Эбрат ласунну оьрму бутлан жула ниттихъаяту.

Суратирттай: Аьйша Буржунова душ Бичащал Аьду Буржунов

ХІ. ХІусайнов

ХІакиннал иаслихІат

Яла бигъамур дарув

Жулла район, цаймигушалагу дуніяллийсса зунттал районнукунна, хъанахъиссар йод тІабиаьтраву чансса бусса районнуну (эндемичный). Йод инсаннал чурххан аьркинссар «Щитовидная железалул» (инсаннал ссурсулий къакъарттул хъхъичІсса) дуккан дулланшиврул жула чурххан чара бакъа аьркинсса йод бусса гормонну (тироксин, дийодтирозинялагу цайми).

Чурххаву йодрал щаллушинна дакъасса чІумал къашайшалтрал ня, аькьлу къуркъа шайссар, оьрчІал хъхъичІуннайшиву махъун дагъайссар. Яла хъунмур нигъачІаву дур йодрал дефицитрал азаруннил лякълуву оьрчІ бусса ниттихъан ва шанна шин хъуннинсса оьрчІаран. Йод жула зунттаву сса аьрщараву, щинаву чанну буний, му аьрщарай ххярххусса урттувугу, ахъулссаннувугу, ми уртту канакисса ризкилул дикІувугу, накІливугу хъинну чансса буссар, жула чурххан биял хъунсса бакъассар.

Йод гъарзану буссар хъхъирил ахъулссаннуву ва хъхъири вусса балугъраву, хъхъирицІсса аьрщарай хъусса ахъулссаннувугу. ХъхъиричІату арх буклайсса ксса тІабиаьтраву йод чан хъанахъиссар. ЖучІарасса дукиялуву, хІачІиялуву йод бакъатІий, чурххавун аьркинссаксса йод бучІаншиврул жунна дуван шайсса, яла бигъасса, ва яла кумаг байсса дарувну хъанай бур йод бусса цІу букаву. ЧІарусса хІукуматирттай дуссар законну къамул дурну агъалинан итабакълан ва ишла буллан так йод бусса цІу. Ми хІукуматирттай, мукунсса законну къамул дурну махъ

дурсса ххалбигъавурттал ккаккан буллай бур йодрал «дефицит» дусса, ва муницІун дархІусса азарду дусса къашайшалт бухлавугу, ягу хъинну чан хъуну бушиву. Жула хІукуматрай дурар мукунсса закон къамул дуван. Циняв агъалий гъарца къини цІу бусса дакъа дукия канай бакъар. Му цІу хъин гъарца къини инсаннал чурххавун аьркинссаксса йод бухлай бур. ТІайласар, дур чІарусса дукия йодрал авадансса (хъхъирил ахъулсса, балугъру), дуссар дукия (йод бусса ччатІ, нис, йогурт, щин, нацІушивуртту) инсаннал йод бивчуну йодрал авадан дурссагу. Амма мукунсса дукия душиврийн-дакъашиврийн бивну гъарца къини ишла дуллан къашай. Йод бусса цІу тІурчан гъармагу инсаннал гъарца дукиялувун бичлачиний, хавар бакъанма чурххавун аьркинсса йод наниссар. Ялагу му йод бусса цІу жула дукиялуву яла къюркъумур зат хъанай дур, инсаннал ахІвал-хІалланих къаурувгун гъарцаннаша ласун шайсса. Йод бусса цІу ласласиний аьркинссар мунил ита бавкъусса чІумух уруган. ЦІуйву йод щаллуно бикІайсар 9-зуруй, яла му чІун лагайхтту йод зия шайссар. Агар инсан йод чурххаву чаншиврул азаруннил къашавай хъурча, зула оьрчІ вайминнайр аькьлу-кІулшиврул, цІуллу-сагъшиврул махъун агълагисса хІисав хъанай бухъурча, инсаннал ссурсулул хъуннашиву – зоб личирча, аьркинссар хІакинначІан учІан, дарув чичайри в, ягу операция буван бурив зоб къукъин ххал бувантІиссар. Амма къашавай шаяр, аьркинссар ва бигъассар йод бусса цІу гъарца къини кулпатраву ишла буллай, цІуллу-сагъшиву дуручин.

ХІ.Тариев,

Ккуллал ва Лакрал районнал «Центр гигиены и эпидемиологиялул» главный врач

БувчІавурттал хьунийн

Кандидатнащалсса хьуна бакъаву

Районналул шархъаву чІачІалну духьурчагу хьанай дур хьунабакъавуртту Дагъусттан Республикалул Халкъуннал Собраниялувун депутатшиврийн цІарду рирщусса кандидатъ турашал.

Августрал 15-нний мукунсса хьунабакъаву хьунни Хьусрациял избирательтурашал «Единая Россия» политическая партиялул чулуха РД-лул Халкъуннал Собраниялувун депутатшиврийн цІа рирщусса кандидат Расулов Абдулла Батталлул арнашал.

Кандидатнащалсса хьунабакъаву тІиртІуна Хьусрациял шяраваллил бакІчи Э. ХІажиевлул.

Кандидатнал вихшалачу Алексей Жабраиловлул депутатшиврийнсса кандидат Аб Расуловлул биографиялушал кІул бунни бавтІусса избирательтал. Вайннал избирательтал вихшала дишин бунни цІанасса чІун жула билаятран захІматсса, лагмасса билаятирттал санкциярду баян бувсса, уссурвалсса Украиннашал



тІааьндакъашивуртту хьанахьисса, Сириянавусса террористурашал талатаву дачин дурсса чІун духьурчагу РД-лул Халкъуннал Собраниялувунсса ва АьФ-лул ПаччахІлугърал Дума лувунсса жула чулухасса депутатъталшиврийнсса кандидатътурал шайсса хІарачат бантІишиврий жула билаятран цІакъгу, гужгу ххишала хьун бавриву ва умуд бивхьунни цІарду рирщусса кандидатътурахлу чІурду булун шиврийн.

Аб. Расуловлул кандидатура хьин дигълагьисса ихтилатру бунни Хьусрациял шяраваллил бакІчи Э. ХІажиевлул, районналийсса хьунисриннал Советрал председатель Кь. Оьмаевлул ва цайминнал.

Хьунабакъаврийн бувкІ миннахь барчаллагъ учавришал, депутатшиврийнсса кандидат Аб.Расуловлул умуд бишин бувна цува депутатътну увчІусса чІумал шайсса хІарачат бувантІишиврий, шяраваллил агъалийнал оьрму хьхьичІунмай хьун бувансса ишру дузал буллай.

Зула аьрщарал заллу хьун

Ишла дуллалисса аьрщи зуллашиврий дацІан дуллалисса чІумал чара бакъа дуван аьркинссар межевание. Межевание му цир? Межевание хьанай дур дусса аьрщарал дазурду ккаккан дуваву. ЧІавуми аьрщарал заллухьлу махьаллил хьанай бикІай межевание дуваврия, му хьинну захІматсса давуххай. Амма межевание къадурсса аьрщи зула биялларалу дакъанна личІлачІиссар. Межевание къадурссаксса аьрщи даххан, цаманан дулун къабюхьлахьиссар.

Мунихтуну бувну бур «Мои документы» тІисса центрду ми къуллугъру шаллу буллалисса. Микку бюхьайссар ккаккан дурсса чІумуй ва багълух дуван: аьрщарал участокрал межевание, технический план дуван, топографический съёмка дуван, ххал дигъаврил акт, кадастровый сияхІрай дишаву, заллушиврий ккаккан дуллалисса госрегистрация дуван.

Ми дуван бюхьайссар жула МФЦ-лийсса «Мои документы» центрданий.

Районналул МФЦ буссар М.ХІажиевлул цІанийсса кІичІираву № 20. Гьарца кІул буван ччисса масъаларттал ялув оьчин бюхьайссар ва номерданий **8928 676-77-37**

Хьуна бакъаву

Ккуллал шяраваллил библиотекалуву хьунни каникулал чІумал гьарца шинях кума СДК-лул ва библиотекалул цІлуну студентътуращалсса хьунабакъаву.

Августрал 12-нний библиотекалувун бавтІуну бия шяраву школагу къуртал бувну личІи-личІисса факультетирдаву ккалайсса душру ва оьрчІру. Мукун ма гьашину 10-11 классирттаву ккалантІиссагу.

Вечер тІиртІуна библиотекалул хьунмур ХІажиевал. Ванил циняв душру ва оьрчІру барча бувна дуккавил шин къуртал шавришал, сессиярду ххуйну булавришал ва чІа увкуна вания тинмайгу тІайлабацІурду, талихІ ва тирхханну. Яла ихтилат хьуна цІанасса дунияллул иширттая цуманал цукунсса пикрирду бурив ккаккан, цІанасса жагьилтуран хьуна бакълайсса наркомания ва терроризмалія. Мукунсса аьркин бакъасса чулинмай хьаврин къашаврия. Миннуя буруччин ци аьркинссарив. Мукун хьаврин хьусса душарал оьрчІал къадарда

нуя. Библиотекарь Маммаевал бувккуна хавар Ажа АбдурахІмановал чивчусса «Яла леркъуна ялун дуниял», - тІисса. Ва хаварданиву буслай бур цукун аьркин бакъасса чулинмай кІункІу хьусса душру ссайн буклай бусса рив ва цукун нину ца бакъа-бакъасса душгу бакъа ливчІиссарив, Хьинну ххуйсса ихтилат бунни 1-мур СОШ-рал учительница ХІусайнова Умумул. ЦІанасса чІумал жагьилсса оьрчІ-душ ссая бурувчІуну бикІан аьркинссарив.

Мукунма жула маз буруччавриясса хьунни ихтилат Илчи кказит хьанай бур жула лакрал дянивусса илчий, ванин 25 шин шавриятугу. Ва кказитрал кІул бай жула лакрал районнай хьанахьИ муниципал, цІусса хавардашал ХІусайновал бувчІинну ихтилат бунни цивппа чув бухьурчангу ниттил маз ва буттал кІану къабитан къабучІишиву, ва чІа увкунни циняная ххуйсса инсантал шаву.

Хьирив хьинну бюхханну ва бувчІинну ихтилат бунни Чаринов Магомедлул. Ва авцІунни чІявусса мисаллай ва чІа увкунни пишардугу лавхьхуну жула шяравунмай бучІаву.

Студентътуралгу бувсунни цивппа цукун ккалай буссарив, цукунсса хІалашиву дуссарив личІи-личІисса милатиртташал, яла-яла аьрасатнаву ккалайминнал хьинну рязийну бия цащаласса душшиврия. Аьлиева Саманиятлул бувккунни балай М-загьид Аминовлул чивчусса «Ккули душ» тІисса. Хьуна бакъаврия циняв рязийну ливчІунни. **Аб.ХІажиева**

Дагъусттан Республикалул ряххилчинмур созыврал Халкъуннал Собраниялувун

«Российский объединенный Трудовой Фронт» политический партиялул региональный отделениялул Дагъусттан Республикалул ряххилчинмур созыврал Халкъуннал Собраниялувун бувчІавурттал объединениялул депутатшиврийнсса кандидатъталну, Ккуллал региональный группа №21 (Ккуллал районналийх) цІарду рирщуми;

1. СултанхІмадов МахІаммадхІанаци АхІмадович, 1955-ку шинал мартрал 23-нний ЧІайннал шяраву увсса, МахІачкъала шагърулий ялапар хьанахьисса, Аьрасатнал Федерациялул гражданство дусса, 1984-ку шинал Ставрополлал политехнический институт къуртал бувсса, МФ МАДИ-раву преподавательну зузисса, кандидатну цІа рирщусса политический партиялул член

«Патриоты России» политический партиялул региональный отделениялул Дагъусттан Республикалул ряххилчинмур созыврал Халкъуннал Собраниялувун бувчІавурттал объединениялул депутатшиврийнсса кандидатъталну цІарду рирщунни Ккуллал региональный № 21 группалийх (Ккуллал район)

1. Сулайманов Тимур Жалалович, 1992-ку шинал июлланул 19-нний Талды-Курганнал областьрай Панфиловский районналий Жаркент шагърулий увсса, МахІачкъала шагърулий ялапар хьанайсса, Аьрасатнал Федерациялул гражданство дусса, 2005-ку шинал Дагъусттаннал ПаччахІлугърал педагогический университет къуртал бувсса, чІумуйнуса чувкІуй къазузисса, ДРО политический партия «Патриоты России»-лул член

ЧІурдал тІянхь (Юмореска)

Най дия бувчІавуртту. Гьарца чІурду булаймин начІан увчІлачІисса кандидатнал чулухасса вакилтал букІлай, маз-къаз бихьлай, пала тІима нал чулухунмай баччин буван хІарачат буллай бия.

БувкІуна МахІадлулчІангу «агитатортал». Гайннан МахІад ччянива хьинну кІул сса ия. Гайннавасса цаннал МахІадлул хьямалагу агьну; - Жула буттахьул хьамальа хха, - куну цала хІалашиву цІакъсса

душиву кІул хьувкун, - утти жувагу хьамаллухха, - куну цала мурад МахІадлул бувчІин бувна.

-Циванни къабулун, жула хьамаличунал дуснахлу, булунтІиссар жула ичІува сса цинявннал. Цайминнахлу жаваб дулун къахьунссар, жула кулпатрава зу тІима нахлу ххюва чІу буссар. Ххюва. БувчІлай бурив?- цала тІянхь

тІитІин дурну ххювагу кІисса тактук хьун бувна. МахІадлул хьамаличу ва ганашалмий рязий хьунмур бувна.

Цаламанахлу чІурду булара тІимий, маз буллал мий чан хьанай бакъая. Цавайнаша МахІадгу ххихху итан бювхьун бия. Бюхьайва гайннал ганан духканилху ци дунугу дириван

<p>Редакциялул адрес 368390, Республика Дагестан Ккуллал район, ш.Ваччи</p> <p>Издательнал адрес: Республика Дагестан Ккуллал район, ш.Ваччи</p>	<p>Газета регистрировать бувссар РФ-лул МТПР-лул Южное межрегиональное управлениялул. Регистрациялул номер ПИ № 10-4202</p>	<p>Хьунама редактор А.И. Къянчиев</p>	<p>Газета бавтІуссар «ЧаннацІуку» газетрал редакциялул компьютердай, бившуссар ГАУРД «Издательский дом «ДАГЕСТАН». Типографиялул адрес: 367018. МахІачкъала, пр. Насрутдинова 61,</p>	<p>Буккайссар ножмардий цал, Индекс: 51317 тираж 650 экз. Газета итабакьин къулбас дайсса чІун 17. 00, къулбас дурсса чІун 16. 00</p>
--	---	---	---	---